

ÁLGGAHA DRAMATIHKKARIN

Borgemánu 27 b. 2015

PREASSADIEDAHUS- DÁBÁLAŠ DIEDIHEMIIN

Multidáiddár Kenneth Heatta álggaha dramatikkarin čájalmasainis Reaktor mas son muitala boahhteáiggi, dálááiggi ja don doloža, energiaháhkamis, návccaidgeavaheamiin, bohtosiin ja ovddasvástádusas. Čájálmas čájuhuvvo vuostaš gearddi Gironis, Giron Sámi Teahteris, golggotmánu 30 b. Neavtárin oaidnit čeahpes Sáráhká Gaup.

Kenneth Heatta lea journalista ja govviheadji ja lea okta dan gávccii čállis geat váljjejuvvoje bargat viidáseappot giehtačállosiiguinnis ARIN proševttas j. 2008-2010. Prošeakta álggahuvvui Sámi Teahtersearvi, Giron Sámi Teahtera, Beaivvás Sámi Nášunalteahtera, Åarjel Samieh teahtera ja Tornedalsteatera háhkamin.

- *Lean čuvvon Kenneth Heatta giehtačállin proseassa, Reaktor čájalmasii ja heammástuvven juo álgoviidis su čoavdin gelbbolašvuhtii vátties scenarioidda. Diesa ferte gávndot sihke roahkkatvuotta ja oadjebasvuotta sámi jurddašanmálla ektui ja duostat ráhkadit giehtačállosa áiggis mii ii leat vel ilbman, lohkká Ása Simma, Giron Sámi Teahtera ođđa jodiheadji gii easka báliid lea álggahan barggus.*

Sáráhká Gaup lea čeahpes neavttár, muitaleadji ja čálli. Jagi 2013 lei son dien jagáš nuorra dáiddár Internašuvdnalaš álguálbmutfestiválas Riddu Riddus. Beaivvás Sámi Nášunalteahtera čájalmasas, Stáinnák, lei son guovddás neavttár. Sáráhká Gaup lea leamaš oaiveneavttárin mánggain oanehis filmmain, manemus filmmas "Iditsilba".

- *Lei dego niehku ollašuvai go bessen Sáráhká Gaup oažžut fárrui teahterii. Son lea hui miellagiddevaš neavttár. Su áhčči lei okta dain gii álggahii Beaivvás Sámi Nášunalteatera.*

Reaktor vuostaš čájalmas lea golggotmánu 30 b. Gironis. Giron Sámi Teahteris. Dan manjel johtá čájalmas gitta guovvamánu 28 b. rádjái 2016.

Jus eanet dieduid hálidat, váldde oktavuoda

Ása Simma 070-270 57 70 dahje Erika Unnes 070-209 43 92, erika@samiteahter.org

Rabas pressa deaivvadeapmi Gironis, borgemánu 31 b. dii, 13.00, Giron Sámi Teahteris

Deaivva teahter jodiheadji Ása Simma ja dramatihkkara Kenneth Heatta, Giron Sámi Teahteris. Almma almmuheami.

Preassadeaivvadeapmi Dramatenis, Stockholm, čakčamánu 4 b. dii. 14.00

Deaivva teahter jodiheadji Ása Simma ja dramatihkkára Harriet Nordlund. Soai oasalastiba maid buktosis "lunchpoesi & livemusik" dii. 12.00, Lejonkulan. Ovtastallama leabá Giron Sámi Teahter ja Dramaten lágidan.

Almmuhus pressadiedahussii Dramatenis ja jearahallamii. Váldde oktavuoda Erika Unnes 070-209 43 92, erika@samiteahter.org

Giron Sámi Teáhters uppdrag är att producera professionell scenkonst med samisk kultur som grund och främja de samiska språken. Teatern har sitt säte i Kiruna. Produktionerna turnerar i landet, främst i svenska delen av Sápmi.